



Акаѳистъ

святѣмъ благовѣрнымъ княземъ и мученикомъ Борису и Глѣбу, во святѣмъ крещеніи Роману и Давиду, Россійскимъ чудотворцемъ

Кондакъ 1

Избранніи чудотворцы и доблественіи воины Христовы, благого корене блази отрасли, пресвѣтлая двоице, въ недузѣхъ безмезднии врачеве и ко Спасу о всемъ мѣрѣ тепліи молитвенницы, восхваляемъ васъ любовію, святіи и благовѣрніи князи, Борисе и Глѣбе. Вы же, яко имущи дерзновение ко Пресвѣтѣй Троицѣ, отъ всякихъ насъ бѣдъ избавите, да зовемъ къ вамъ:

Радуйтеся, Борисе и Глѣбе, велицыи Россійстии чудотворцы.

Икосъ 1

Ангеловъ Господнихъ сограждане явистесе святіи благовѣрніи Борисе и Глѣбе, не

оставляюще согражданъ земнаго мѣра: по страданіи бо вашемъ честная тѣлеса ваша, мученическою кровію обогрѣнная, и благодатию Божіею прославленная, всѣмъ, съ вѣрою къ нимъ притекающимъ и прикасающимся, источаютъ многоразличная чудесная исцѣленія; души же ваша предстоятъ съ лики ангельскими и со всѣми святыми Пресвятой Троицы. Тѣмже мы, россиясти сынове, удивляющеся вашему горнему и дольному гражданству, благоговѣнно преклоняюще предъ вами колѣна тѣлесная и сердца наша, умильно вопіемъ сице:

Радуйтеся, яко вышнимъ Богомъ изъ тмы идолослуженія въ чудный свѣтъ истиннаго богопознанія приведени есте.

Радуйтеся, яко чада, паче всѣхъ возлюбленная благовѣрному отцу вашему.

Радуйтеся, истиннии Евангелія Христова послѣдователи.

Радуйтеся, Божественныхъ писаній добрии ученицы.

Радуйтеся, одежды крещенія непорочнии хранители.

Радуйтеся, христіанскаго благочестія приснии ревнители.

Ра́дуйтеся, я́ко неу́страши́мо страда́нія
му́ченическа́я прія́ли есте́.

Ра́дуйтеся, Христо́вымъ страсте́мъ
подража́тели.

Ра́дуйтеся, благоу́годивши́ Бо́гови сло́вомъ и
житіе́мъ.

Ра́дуйтеся, всельши́ся во оби́тели Отца́
Небе́снаго.

Ра́дуйтеся, мзду́ трудо́въ и терпѣ́нія ва́шего
восприя́вши отъ Го́спода.

Ра́дуйтеся, облече́нни виссо́номъ чистоты́ и
непорочности́.

Ра́дуйтеся, моли́твами ва́шими ко Го́споду
мно́гимъ заступни́чество яви́ли есте́.

Ра́дуйтеся, Бори́се и Глѣ́бе, вели́цыи
Росси́йстіи чудотво́рцы.

Конда́къ 2

Ви́дѣвше сы́нове Росси́йстіи святы́й хра́мъ,
испо́лненный благоуха́нія пречу́днаго, внегда́
отверзо́ша ра́ку и обоня́ша о́ное, всі́
просла́виша Бо́га, тѣмже и мы́, грѣ́шніи и
недостойніи, благоговѣ́юще предъ пречу́дною

святѣінею, прославляемъ Дѣвнаго во святѣихъ Своихъ Бѣга, непрестанно вопіюще: Аллилуїа.

Икосъ 2

Разумъ здравый стяжавшии святѣимъ и богоугоднымъ вашимъ житіемъ, страсотерпцы Христовы Борисе и Глѣбе. Егда услышасте лишене вашего временнаго живота отъ лютаго и властолюбиваго брата вашего Святополка, нимало не помысливше противу его ратною бранію идти, лучше возжеласте жизни своея лишиться, нежели съ братомъ имѣти брань и христіанскую кровь проливати. Сего ради мы, предстояще молитвенно предъ вами, возводимъ очеса наша сердечная къ вамъ горѣ, на небесі живущимъ, почитающе честная ваша страданія сіими похвальными пѣснями:

Радуйтеся, Живаго Бѣга паче всего міра возлюбивши.

Радуйтеся, суетныхъ помышлений презрители.

Радуйтеся, вѣнценосцы нарочити.

Радуйтеся, заповѣдей Христовыхъ исполнители.

Радуйтеся, оправданій Господнихъ пресвѣтлыя свѣщи.

Ра́дуйтеся, пресла́дкіи слы́шатели
Боже́ственныхъ словесъ.

Ра́дуйтеся, иску́сніи хранітели церко́вныхъ
пра́вилъ.

Ра́дуйтеся, тмы́ грѣховныя попра́тели.

Ра́дуйтеся, небесныхъ бла́гъ прича́стницы.

Ра́дуйтеся, ника́коже къ земны́мъ бла́гомъ
се́рдце свое́ прилѣпівшіи.

Ра́дуйтеся, тёпліи моли́твенницы ко Спа́су о
душа́хъ на́шихъ.

Ра́дуйтеся, Бори́се и Глѣ́бе, вели́цыи
Россі́йстіи чудотво́рцы.

Конда́къ 3

Си́лою Боже́ственною подвиза́еми, на
умоле́ніе соотчичей ва́шихъ явльшеся, имъ есте́
покровітели, защи́тницы и помо́щницы; страны́
бо ихъ отъ нападе́ній вра́жіихъ избавля́ете,
стражду́щихъ отъ всякихъ неду́говъ и болѣ́зней
исцѣля́ете и во всякомъ бла́гомъ преспѣ́яніи
помога́ете всѣмъ, вопію́щимъ Бо́гу: Аллилу́ія.

Икосъ 3

Иму́ще вои́стинну во́ини Христо́вы, Бори́се и
Глѣ́бе, пла́менное и нехла́дное се́рдце ко

благохвалѣнію Дивнаго въ чудесѣхъ Бѳга,
молитесь непрестанно о спасѣніи дуѣхъ къ вамъ
усердно прибѣгающихъ. Сего ради мы отъ
глубины сердець нашихъ умиленно приносимъ
къ вамъ таковая пѣнія:

Радуйтесь, Господу славы вѣну предстоятели.

Радуйтесь, ангельскія трисвятія пѣсни
слышатели.

Радуйтесь, невечерняго дне зрители.

Радуйтесь, Царства Христова наследницы.

Радуйтесь, нерукотворнаго храма обитатели.

Радуйтесь, горнаго Іерусалима именити
граждане.

Радуйтесь, райскихъ селеній созерцатели.

Радуйтесь, храмовъ Господнихъ и домовъ
благочестивыхъ посѣщатели.

Радуйтесь, великихъ праздниковъ и святыхъ
угодниковъ почитанія наставницы.

Радуйтесь, не радящихъ о благочестіи
наказатели.

Радуйтесь, въ добродѣтеляхъ преспѣвающихъ
споспѣшницы.

Ра́дуйтеся, Бори́се и Глѣ́бе, вели́цыи Росси́йстїи чудотво́рцы.

Конда́къ 4

Бу́рею невѣ́рія одержи́мыхъ, ходя́щихъ во тмѣ́ злочѣ́стїа и не брегúщихъ о христїа́нскомъ благочѣ́стїи, огнѣ́мъ наказáнїа опаля́ете, да тѣ́мъ уцѣ́ломудривші́ися и́стинно позна́ютъ и́стиннаго Бо́га, благочѣ́стно Его́ чтúще и со стра́хомъ Ему́ вопію́ще: Аллилу́їа.

Ико́сь 4

Слы́шаще ва́ша, страстоте́рпцы святїи Бори́се и Глѣ́бе, чудеса́, россї́йстїи сы́нове не то́кмо изъ бли́жнихъ, но и изъ да́льнихъ страна́хъ Росси́йскихъ стека́ются къ ва́шимъ чудодѣ́йствующимъ мо́щемъ, и, исцѣ́ляющеся отъ недúговъ и болѣ́зней, вопію́тъ къ ва́мъ такова́я:

Ра́дуйтеся, пѣ́рвїи въ Росси́и уго́дницы Христо́вы.

Ра́дуйтеся, вели́цыи въ напáстехъ утѣ́шители.

Ра́дуйтеся, въ убóжествѣ́ и нúждахъ благочестї́вымъ посóбницы.

Ра́дуйтеся, вѣ́ры Христо́вой ревнители.

Ра́дуйтеся, ересей искоренители.

Ра́дуйтеся, расколовъ презрители.

Ра́дуйтеся, Божественныя службы пламенные любители.

Ра́дуйтеся, винограда Христова многолиственная древесá, и́миже покрывáются мно́зи.

Ра́дуйтеся, божественныя лозы пресладкое рождіе.

Ра́дуйтеся, благочестія добрии строители.

Ра́дуйтеся, истиннии и безмезднии врачеве.

Ра́дуйтеся, о спасеніи рода христіанскаго ходатаи.

Ра́дуйтеся, Борисе и Глѣбе, велицыи Россійстіи чудотворцы.

Кондакъ 5

Боготѣчныя звѣзды явистеся намъ въ земной юдоли сей: внегда бо обуреваются намъ волнами житейскихъ попеченій и направляти путь житейскаго шествія своего къ тихому пристанищу, вашими молитвами избавляеми есмь отъ блужденія и потопленія, сего ради, славяще Господа, вопіемъ: Аллилуія.

Икосъ 5

Видѣвше сынове россійсти, яко притекающи къ вамъ съ вѣрою, пріемлють ходатайствомъ и заступничествомъ вашимъ въ нуждахъ скорое утѣшеніе и избавленіе отъ золь, восхваляютъ васъ сице:

Радуйтеся, Россійскихъ странъ недремлющи стражи.

Радуйтеся, идольскаго нечестія обличители.

Радуйтеся, гордыни и буесловія посрамители.

Радуйтеся, мудрымъ къ вѣрѣ и благочестію правители.

Радуйтеся, добрии воины Христовы.

Радуйтеся, враждующихъ на зѣмлю отцевъ вашихъ укротители.

Радуйтеся, злобы и мщенія угасители.

Радуйтеся, полчищъ вражескихъ расточители.

Радуйтеся, яко прославивши Бога въ душахъ и тѣлесѣхъ вашихъ.

Радуйтеся, яко прославлени есте на земли чудодѣйствіемъ.

Ра́дуйтеся, я́ко благо́родство земно́е носивше,
сподо́бистеся ца́рствовати въ Ца́рствіи
небе́снѣмъ.

Ра́дуйтеся, во Оте́чествіи сво́емъ міра,
тишины́ и споко́йствія возстано́вители.

Ра́дуйтеся, Бори́се и Глѣ́бе, вели́цыи
Россі́йстіи чудотво́рцы.

Конда́къ 6

Проповѣ́дующи, проповѣ́дуетъ вся́ Россі́йская
держа́ва ва́ше небе́сное предста́тельство у
Всевы́шняго: вы́ бо я́ко крѣ́пцыи щити́ и я́ко
твѣ́рдия стѣ́ны, огражда́ете Оте́чество ва́ше я́ко
непобѣ́димымъ ору́жіемъ, Боже́ственною
благода́тію, даро́ванною ва́мъ свѣ́ше, сего́ ра́ди,
хва́ляще Бо́га, поёмъ: Аллилу́ія.

Икосъ 6

Возсія́ли есте́, я́ко пресвѣ́тлыя звѣ́зды́ отъ тмы́
идолослуже́нія просвѣ́щеніемъ свята́го креще́нія,
вѣ́ру бо Правосла́вную прія́вше, обы́чай
идоложе́ртвенныя искорени́ли есте́, сѣ́мена
благоче́стія христі́анскаго въ сердца́хъ
по́дданныхъ сво́ихъ посѣ́явши, на славосло́віе
і́мене Бо́жія хра́мы боже́ственныя благолѣ́пно

соорудісте. Сего́ ради, Бори́се и Глѣ́бе, ва́сь почита́емъ сі́ми похва́льными пѣ́снми:

Ра́дуйтеся, изъ тмы́ идолослуженія въ чу́дный свѣ́тъ істиннаго богопозна́нія пресе́лницы.

Ра́дуйтеся, идолочестія обли́чители.

Ра́дуйтеся, дре́вняго змія попрáтели.

Ра́дуйтеся, істинніи образцы́ крото́сти и незло́бія.

Ра́дуйтеся, подвигополо́жнику Христу́ послѣдователи.

Ра́дуйтеся, житія́ непорочнаго рачители.

Ра́дуйтеся, евангельскихъ проповѣданій блюстители.

Ра́дуйтеся, нерастлѣ́ннии хра́ми Бо́га Жива́го.

Ра́дуйтеся, отъ даро́въ живу́щей въ ва́сь благода́ти подаю́щи си́лу мно́гимъ.

Ра́дуйтеся, добродѣ́телей чистая зерцáла.

Ра́дуйтеся, те́рнія поро́ковъ ре́вностніи искоренители.

Ра́дуйтеся, вели́цыи уго́дницы Христо́вы.

Ра́дуйтеся, Бори́се и Глѣ́бе, вели́цыи Россійсти́и чудотво́рцы.

Кондакъ 7

Аще и многажды злоумышленніи языцы покушахуся внѣти во внѣтрѣ вашого Отѣчества и одолѣти его, обаче невидимымъ вашимъ предстательствомъ предъ Богомъ, силою Его постыждѣни и прогнани быша. Тѣмже удивляющесе неизреченному къ намъ Божію милосердію, поемъ Богу: Аллилуія.

Икосъ 7

Новыя благодати бывшіи причастницы и силою даровъ Святаго Духа исполненніи, не точию въ земли Россійстѣй явились есте добри споспѣшницы вѣры и нравовъ благихъ; но среди чуждыхъ народовъ славу имени Господня и силу мышцы Его проявите. Сего ради похвальными пѣснями васъ ублажаемъ:

Радуйтеся, неувядаемии цвѣти Россійскія земли.

Радуйтеся, непорочни агнцы стада Христова.

Радуйтеся, яко голубіе, чистотою украшенніи.

Радуйтеся, на крилѣхъ вѣры вознесшіися на высоту небесную.

Ра́дуйтеся, въ го́рній Іерусали́мъ
пресе́льшіися.

Ра́дуйтеся, го́рняго Сіона наслѣ́дницы.

Ра́дуйтеся, съ ли́ки небѣ́сныхъ си́лъ
торжествующи́и.

Ра́дуйтеся, вертогра́да небѣ́снаго благолѣ́пни
гро́здіе.

Ра́дуйтеся, Христо́вы Цѣ́ркве вели́кое
удобре́ние.

Ра́дуйтеся, всѣ́мъ христіа́номъ неизрече́нныхъ
ра́достей подава́тели.

Ра́дуйтеся, Бори́се и Глѣ́бе, вели́цыи
Россі́йстіи чудотво́рцы.

Конда́къ 8

Стра́нная же и ужа́сная содѣ́яшася, егда́
злочести́вый варя́гъ, дерзну́вый косну́тися
стопа́ми свои́ми мѣ́ста свѣ́та, на нѣмже
почива́ху блаже́нная тѣ́леса́ ва́ша: о́гнь бо
исше́дый изъ земли́ опали́ ока́ннаго и вѣ́дати
научи́ си́лу ва́шу, уго́дницы Бо́жии. Вѣ́рнии же,
прославля́юще чудодѣ́йства ва́ша, воспѣ́ша
Дивно́му во свѣ́тыхъ Свои́хъ Бо́гу: Аллилу́ія.

Икосъ 8

Весь умъ вперивше въ службу Божественную и духовная псалмопѣнія, явились есте яко непобѣдимии Христовы воины, егда нечестивии человецы придоша отъ лютаго Святополка убить васъ; обаче не убояшася возложить руки на васъ и неповинную кровь вашу пролити. Мы же, вѣрнии, чествующе вѣру и страданія ваша, взываемъ сице:

Радуйтеся, истиннаго Мессіи Іисуса Христа Сына Божія истиннии исповѣдницы.

Радуйтеся, апостольскихъ проповѣданій ревнительнѣйшии приѣмницы.

Радуйтеся, святыхъ отцевъ преданій вѣрнии блюстители.

Радуйтеся, яко возлюбите животь вѣчный паче временнаго.

Радуйтеся, яко Царство небесное предпочтѣте царству земному.

Радуйтеся, въ вѣрѣ Христовой вѣрнымъ извѣстное утверждѣніе.

Радуйтеся, яко службу Божію при себѣ всегда имѣете.

Ра́дуйтеся, я́ко божѣственное чтѣніе и пѣніе
сладостію послушасте.

Ра́дуйтеся, я́ко и са́ми Божѣственная словеса́
во устѣхъ своихъ держаще, въ сѣрдцы а́ки
неоцѣнѣнное сокровище носисте.

Ра́дуйтеся, я́ко дѹхъ ва́шъ сокрушенный и
сѣрдце ва́ше смиренное жѣртва Бо́гу бы́ша.

Ра́дуйтеся, я́ко ду́ши и тѣлеса́ ва́ша въ
страданіи, я́ко злато въ горни́лѣ, искушѣни.

Ра́дуйтеся, я́ко съ ли́ки мѹчениковъ
сопричтѣни есте́.

Ра́дуйтеся, Бори́се и Глѣ́бе, вели́цыи
Россі́йстіи чудотво́рцы.

Конда́къ 9

Всі́ вѣрніи, чту́щии благолѣпно па́мять ва́шу,
во святѣмъ хра́мѣ ва́шемъ стѣкшеся и сла́вяще
страданіа ва́ша и чудеса́, я́же содѣясте сі́лою
Бо́га, Спа́са на́шего, вопію́тъ къ Немѹ: Аллилу́ія.

Икосъ 9

Вѣ́ти невѣрніи е́ще тружда́ются помышля́ти
и му́дрствовать о свѣты́ни ва́шей, Бори́се и
Глѣ́бе, недоумѣва́ють у́бо изрещи́, ка́ко тѣлеса́
ва́ша на землі́ не истлѣ́ваются, ду́ши же ва́ша

на небесѣхъ въ сонмѣхъ ангеловъ прославляются.
Мы же, просвѣщаеми вѣрою, благолѣпно
вопиемъ:

Радуйтеся, воины Христовы непобѣдиміи.

Радуйтеся, крѣпцыи щити и броня воинства
Россійскаго.

Радуйтеся, Царя славы прославленіе.

Радуйтеся, князя тмы посрамленіе.

Радуйтеся, глаголовъ Божіихъ оправданіе.

Радуйтеся, Божественныя премудрости
исполненіе.

Радуйтеся, чудесъ Христовыхъ
проповѣдницы.

Радуйтеся, вѣчныя радости наслѣдницы.

Радуйтеся, яко жизнь грядущую возлюбили
есте.

Радуйтеся, яко блага временная презрѣли
есте.

Радуйтеся, яко власти вѣка сего отринули
есте.

Радуйтеся, яко красотою добродѣтелей
украшены есте.

Ра́дуйтеся, Бори́се и Глѣ́бе, вели́цыи
Росси́йстїи чудотво́рцы.

Конда́къ 10

Спасти́ хотя́ще ду́ши своя́, святи́и
страстоте́рпцы, не брегóсте о тѣлесѣ́хъ ва́шихъ и
преда́сте ихъ на уби́еніе, вопію́ще къ Бо́гу:
Аллилу́ія.

Икосъ 10

Стѣ́ны есте́, огражда́ющїи благоде́нствіе
Росси́и, святи́и Бори́се и Глѣ́бе, и неутомиміи
стра́жи проти́ву врагъ́ на́шихъ пребы́ваете,
непреста́нно моля́щеся Го́споду Бо́гу о спасе́нии
ду́шъ на́шихъ и исцѣ́ляюще не́мощи на́ша. Сего́
ра́ди умі́льно вопіе́мъ ко святи́ни ва́шей:

Ра́дуйтеся, я́ко сы́нове росси́йстїи
хода́тайствомъ ва́шимъ спаса́ются.

Ра́дуйтеся, я́ко вси́ правовѣ́рнїи моли́твами
ва́шими отъ бѣ́дъ и скорбе́й исцѣ́ляются.

Ра́дуйтеся, я́ко врази́ на́ши ва́съ
устраша́ются.

Ра́дуйтеся, я́ко все́ Оте́чествіе на́ше
моли́твами ва́шими спаса́ется.

Ра́дуйтеся, я́ко похва́льными вѣнцы́
Росси́йская Це́рковь ва́съ вѣнча́етъ.

Ра́дуйтеся, я́ко по́двиги ва́ша вси́
правовѣ́рнии немол́чно воспѣ́ваютьъ.

Ра́дуйтеся, я́ко ста́рцы и ю́ноши къ покрóву
ва́шему прибѣ́гаютьъ.

Ра́дуйтеся, я́ко ца́рие и во́ини, бога́тии и убо́зи
ва́съ просла́вляютъ.

Ра́дуйтеся, ско́ри помо́щницы.

Ра́дуйтеся, мо́щнии засту́пницы.

Ра́дуйтеся, му́ченическую сме́рть прія́вши.

Ра́дуйтеся, Бори́се и Глѣ́бе, вели́цыи
Росси́йстии чудотво́рцы.

Конда́къ 11

Пѣ́нне всеумилѣ́нное не умолче́ во устѣ́хъ
ва́шихъ, егда́ лю́ти губи́телие устремля́хуся на
ва́съ, я́ко на агнцевъ́, гото́выхъ на заколе́ние. Сія́
воспомина́юще и сла́вяще Го́спода, да́вшего
ва́мъ си́лу такую́ю, взыва́емъ къ Нему́: Аллилу́ія.

Икосъ 11

Свѣ́тоза́рныя свѣ́щи ви́димъ въ ва́съ, святи́и
благовѣ́рнии кня́зие Бори́се и Глѣ́бе, освяща́ющии

Россі́йскую Цѣрковь и всѣхъ вѣрныхъ ча́дъ ея́, да прославляю́тъ святу́ю па́мять ва́шу, вопію́ще:

Ра́дуйтеся, Россі́йскія Цѣркве похва́ло.

Ра́дуйтеся, правосла́вныя держа́вы и градо́въ ея́ лѣ́пото.

Ра́дуйтеся, во еди́нѣмъ ду́сѣ благоче́стія пожив́шии предъ Го́сподѣмъ.

Ра́дуйтеся, тѣлесѣмъ ва́шимъ стяжа́вшии безсме́ртіе.

Ра́дуйтеся, я́ко подвиза́вшійся по́двигомъ до́брымъ вѣнча́ется вѣнце́мъ сла́вы невече́рнія.

Ра́дуйтеся, я́ко течѣ́ніе житія́ му́ченически сконча́вшей, водвори́тся во оби́тели Отца́ Небе́снаго.

Ра́дуйтеся, всехва́льніи му́ченицы.

Ра́дуйтеся, до́брѣ подража́вшии я́ко во еди́нѣмъ тѣлеси́ су́ще, иску́пльшему на́съ Влады́цѣ.

Ра́дуйтеся, Бори́се и Глѣ́бе, вели́цыи Россі́йстіи чудотво́рцы.

Конда́къ 12

Благода́ть, да́нную ва́мъ отъ Бо́га на бла́го сыно́въ Россіи, россі́йстіи чудотво́рцы Бори́се и

Глѣбе, не втуне оставили есте: явиста бо ся цѣлителие болящихъ, утѣшителие сущихъ въ скорбехъ и заключеніи, наставницы заблуждшихъ и скоріи помощницы всѣмъ, съ вѣрою призывающимъ васъ, угодницы Божіи; да вси вкупѣ вопіемъ ко Господу: Аллилуія.

Икосъ 12

Поюще и восхваляюще чудеса ваша, чествующе святую память вашу, преславная Церковь Россійская, и мы, чада ея, очи сердца возводяще ко Господу, сице вопіемъ:

Радуйтесь, сопротивныхъ враговъ побѣдители.

Радуйтесь, недугующихъ врачейеве.

Радуйтесь, россійскихъ градовъ и вѣсей пресвѣтлое сіяніе.

Радуйтесь, россійскаго воинства твёрдое огражденіе.

Радуйтесь, яко страданіи вашими снискасте вѣчную радость.

Радуйтесь, яко вкусивше мученическую смѣрть прешли есте къ блаженному безсмѣртію.

Ра́дуйтеся, я́ко и́скуше́ннии въ горни́лѣ
жите́йскихъ обурева́ній яви́стася чистѣ́йшии
зла́та, прине́сши себѣ́ я́ко всепло́діе Бо́гови.

Ра́дуйтеся, ко́рене честна́го благі́я о́трасли.

Ра́дуйтеся, живота́ вѣ́чнаго и Ца́рствія Бо́жія
наслѣ́дницы.

Ра́дуйтеся, я́ко соприча́стницы е́стѣ
а́нгельскому со́нму.

Ра́дуйтеся, я́ко Росси́йская держа́ва, ея́же
сы́нове и заступ́ницы е́стѣ, благоговѣ́нно па́мять
ва́шу че́ствуеть.

Ра́дуйтеся, Бори́се и Глѣ́бе, вели́цыи
Росси́йстіи чудотво́рцы.

Конда́къ 13

О, святи́и и всесла́внии чудотво́рцы Бори́се и
Глѣ́бе, вели́цыи росси́йстіи помо́щницы въ бѣ́дахъ
и напа́стехъ! Не прѣ́зрите на́съ, грѣ́шныхъ, но
приимі́те моле́ніе на́ше, я́коже прія́ли е́стѣ
моли́твы благовѣ́рныхъ росси́йскихъ князе́й
Алекса́ндра и Дими́трія, и прине́сите
Всеми́лостивому Спа́су на́ше моле́бное
приноше́ніе, да изба́вить на́съ отъ вся́кихъ бѣ́дъ
и напа́стей, да охра́нитъ Оте́чество на́ше отъ

врагъ видимыхъ и невидимыхъ, и да вопіемъ съ вами ко Господу: Аллилуія.

Сеѣ кондакъ глаголется трижды. Таже Икосъ 1-й и Кондакъ 1-й

Моли́тва

Святїи страсотерпцы, боголюбивая двоїце, благовѣрнїи князи Борисе и Глѣбе, измлада всею душею Христа возлюбивши, цѣломудріе, кротость, смиреніе и прочія добродѣтели стяжали есте и, яко агнцы незлобивїи, отъ брата своего неправедное убіеніе претерпѣли есте, чїстыя своя души въ благопрїятную жертву Богу принесосте и отъ Него вѣнцы нетлѣнныя прїясте, припадающе къ честному образу вашему, молимъ васъ въ дусѣ сокрушеннѣ и смиреннѣ: вознесите своя усердныя молитвы ко Всемилостивому Спасу нашему, да подасть намъ, чтущимъ святую память вашу, великія Своя и богатыя милости. Церковь Свою святую да соблюдетъ отъ ересей и расколовъ, въ чадѣхъ ея да оживетъ духъ правыя вѣры и любве, духъ вѣдѣнїя и благочестїя, да даруетъ всѣмъ намъ вся, яже къ жизни временнѣй и вѣчнѣй потребная. Ей, святїи страсотерпцы, ускорите на помощь къ намъ, якоже сроднику вашему

благовѣрному князю Алексáндру Нѣвскому, и избáвите страну нáшу отъ врагъ видимыхъ и невидимыхъ, отъ глáда, огня, смертоносныя язвы, отъ всякихъ бѣдъ и напáстей; разгоните облежáщій ны мрáкъ невѣрiя и развращенiя, да мирно и благочестно поживемъ въ вѣцъ сѣмъ и сподобимся христiанскiя кончины и добраго отвѣта на страшнѣмъ Судѣ Христа Бóга, Емуже подобáетъ честь и поклоненiе со Безначальнымъ Его Отцемъ и Пресвятымъ Животворящимъ Духомъ, нынѣ и присно и во вѣки вѣковъ. Аминь.



**ПОЛНЫЙ
АКАФИСТНИК
КАНОНИЧЕСКИЙ**

**АКАФИСТЫ
КО ГОСПОДУ БОГУ
ПРЕСВЯТОЙ
БОГОРОДИЦЕ
АРХАНГЕЛАМ
И АНГЕЛАМ**

I

**НОВОЕ
*НЕБО**